

玄覽堂叢書

第四冊

裔乘西夷卷之三



閩漳浦楊一葵翹卿父著

西番

西番古吐蕃地其先三苗氏之裔也凡百餘種
後為西戎又曰西羗散處河湟江岷間舜時徙
三苗於三危三危太肅州數百里南接蜀漢徼
外蠻夷西北接高昌諸國昔成湯伐畎夷武丁
伐鬼方季歷伐西洛余無始呼翳徒諸戎在文

王時戎狄賓服武王時羗髡率師會於牧野宣
王時戎殺秦仲秦莊公破之幽王時申侯與戎
共攻殺王秦襄公伐之及平王遷都洛邑避犬
戎難於是戎逼諸夏自隴山以東及乎伊洛往
徃戎夏雜居故有狄獯戎邾冀戎豸渠戎大荔
戎驪戎陸渾戎陰戎蠻氏戎伊洛間有楊拒泉
皐戎春秋時間在中國與諸夏盟會後邾冀戎
為魯莊公所滅驪戎為晉獻公所滅唯伊洛戎

最強侵曹魯入王城秦晉伐之
後二年復與襄王弟叔帶謀伐襄王齊桓公使管仲平之其後
趙滅北夷秦滅大荔其遺脫者皆逃走西踰汧隴於是中國無戎惟
豢渠存焉豢渠勢力強悍築城稱王秦輒為其所敗秦昭王時豢渠
王來朝與昭王毋宣太后通生二子後宣太后誘殺豢渠王因起兵
滅之始置隴西北地上郡云至漢而西戎之種復盛先是戎人有爰
劍者為秦

厲公奴隸後亡歸偶與剗女遇於野遂為夫婦
女恥其狀被髮覆其面羗人因以為俗相與亡
入賜支河湟間諸羗推以為豪於是教羗田畜
依附日衆爰劔死四世有曰忍曰舞曰印者各
有子十餘人自為種於是苗裔漸熾至有百五
十餘種或在賜支河西或在蜀漢徼北其名號
難以盡述而中惟燒當先零鍾羗參狼為強燒
當者忍第十四孫也最豪健故其子孫世以燒

當為號後始皇築長城及漢武築令居塞置張

掖

古昆邪王地漢置張掖郡甘州衛

酒泉

古月支地漢置郡今肅州衛

燉煌

古瓜州地漢置郡今沙州衛

武威

古休屠地漢置郡宋西涼府今涼衛

四郡隔

絕羗胡於是累世服從西陲得安獨先零結諸

羗數數為寇盜不絕及趙充國降先零馮奉世

降之姐諸羗四夷賓服者數十年王莽篡位羗

復入寇建武中來歙馬援等破降之徙置天水

隴西扶風三郡中元初燒當羗滇吾與弟滇岍

寇隴西塞滇吾者滇良子也討之不克至永平
初竇固馬武等大破之無何滇岷滇吾詣闕路
而滇吾子東吾東吾子東號東號子麻奴俱入
居安定世世奉約束如故獨東吾諸弟迷吾號
吾等結諸羗為邊患永初中麻奴逃出塞而諸
亡羗轉相嘯聚遂附滇零鍾羗諸種大肆寇掠
揭木為兵負柴為械勢猖獗甚郡縣不能制更
招集參狼上郡西河諸種東犯趙魏南入益州

遂寇三輔斷隴道破郡縣滇零自稱天子鄧騭
任尚任仁段熲段崇等討之兵輒挫蓋馮陵若
斯之熾也已而滇零死子零昌立零昌年幼而
同種狼莫為之畫策輒入寇漢兵久不利任尚
以輕騎擊之而張裔招誘叛羗稍稍有降者頃
之種名號封者以殺零昌封王全無種名雕何
者以殺狼莫封侯而諸種之掠巴漢者程信等
大擊破之於是諸羗瓦解而三輔益州無寇患

矣永寧以返東西羗大合而燒當先零沈氏牢
姐諸種相繼入寇叛服靡常自是而後其種號
世次莫可得而考云晉懷帝時爰劍之後赤亭
羗姚弋仲東徙榆眉戎夏泛之者數萬而子襄
及萇俱豪邁多勇畧弋仲病謂其子襄中原無
主汝亟歸晉無為不羨及卒而襄遂率衆來歸
詔屯譙城會殷浩惡其強盛屢遣刺客刺之不
諧又潛遣魏憬襲之不克襄已心銜之無何浩

伐秦以襄為前驅襄偽遜伏甲邀之反攻浩於
山桑浩大敗乃以桓溫督諸軍討襄襄連戰敗
退奔平陽招納叛民于是有圖關中之志矣秦
遣兵攻斬襄襄弟萇以衆降秦先是燕慕容暉
降秦秦遷暉并鮮卑衆四萬餘戶於長安及莫
容泓起兵攻集鮮卑衆勢甚盛秦遣符叡擊泓
以姚萇為司馬萇諫叡曰鮮卑皆有思歸之志
故起而為亂宜驅令出關不可遏也叡不從果

敗歿堅大怒欲殺萇萇奔渭北糾扇羗蒙五萬
餘家自號秦王羗胡降者十餘萬會秦苻堅攻
西燕敗奔五將山萇遣人縊殺之遂取長安稱
帝而勢愈昌熾萇卒子興立興卒子泓立劉裕
遣王鎮惡討降之裕至長安斬泓而姚秦氏亡
矣初魏晉時西羗為吐谷渾所併至隋而吐谷
渾哀西羗地有党項有大羊同有鄧至有宕昌
有悉立有章求拔有泥婆羅有蘇毗有白蘭有

吐蕃諸種而惟党項吐蕃為大唐初吐蕃遂併
諸種而盡有其地烏吐蕃祖曰鶻提勃悉野南
涼禿髮利鹿孤之後也二子曰樊尼曰偃檀偃
檀為乞佛熾盤所滅樊尼率殘衆歸沮渠蒙遜
以為臨松太守及蒙遜滅樊尼率兵西濟河逾
積石遂撫有群羗云其俗謂強雄曰贊丈夫曰
普故號君長曰贊普其後數傳而至弄贊又名
棄蘇農亦號弗夜氏其為人慷慨才雄西域諸

國皆附之太宗貞觀八年始遣使者來朝帝遣
行人馮德遐持書撫諭弐贊聞突厥吐谷渾並
得尚公主乃奉幣求婚帝不許使者還妄語曰
天子遇我厚幾得公主會吐谷渾王入朝遂不
許殆有以間我乎弐贊怒率羊同共擊吐谷渾
吐谷渾敗走青海之陰又攻党項白蘭羗破之
勒兵二十萬入寇松州命使者貢金甲且言迎
公主曰公主不至我且深入遂敗都督韓威屬

羗皆叛應之唐乃遣侯君集執失思力牛應達
劉蘭等四道出兵討之斬首千級美贊始惧引
太遣使謝罪固請婚許之乃獻黃金五千兩他
實稱是以為聘十五年詔以宗女封文成公主
妻之江夏王道宗持節護送美贊至栢海親迎
見道宗執婿禮甚恭自以其先未有婚帝女者
乃為公主築一城立宮室以誇後世因遣諸豪
子弟入國學習詩書又請儒者典書疏永徽初

美贊死無子立其孫噐弩悉美幼祿東贊相之
既而破吐谷渾慕容諾曷鉢與弘化公主引殘
落走涼州踰羊祿東贊死其子曰欽陵曰贊婆
曰悉多曰勃論祿兄弟並當國自是歲入寇盡
破有諸羗羈縻十二州復入羈縻十八州率于
闐取龜茲撥換城於是安西四鎮並廢詔遣將
薛仁貴阿史那道真等率兵十餘萬往討并護
吐谷渾還國至大非川為欽陵所敗吐番遂戒

吐谷渾而盡有其地高宗上元初遣大臣論吐
羅渾彌來請和且求與吐谷渾收好帝不聰明
年攻鄯廓河芳疊扶六州唐遣將李敬玄李孝
逸劉審禮等擊之皆無功黑齒常之率士五百
夜斧其營虜驚自相輔藉而死者甚衆乃引去
儀鳳初大首領贊婆素和貴率兵三萬攻河源
屯良非川黑齒常之擊走之遂擢常之為河源
經畧大使乃嚴烽邏開屯田虜謀稍折初劔南

西蕃
西卷之三
度茂州之西築安戎城為障俄為生羗導虜取
之因并西洱河諸蠻盡臣羊同党項諸羗其地
東與松茂雋接南極婆羅門西取四鎮北抵突
厥幅員萬餘里漢魏諸城所無也則天時遣韋
待價闡温古岑長倩等討之皆不克又詔王孝
傑唐休璟阿史那忠節大發兵擊破其衆復取
四鎮更置安西都護府於龜茲以兵鎮守未幾
合突厥兵南侵王孝傑敗之明年攻臨洮又攻

涼州殺都督遣使者請和約罷四鎮兵求分十
姓地武后詔通泉尉郭元振往使道與欽陵遇
元振曰東贊事朝廷誓好無窮今徯自絕歲擾
邊父通之子絕之孝乎父事之子叛之忠乎欽
陵曰然然天子許和得罷二國戍使十姓突厥
四鎮各建君長俾其國自守若何使使者固請
元振執不可后從之欽陵專國久居中制事而
贊婆專東境幾三十年為邊寇兄弟皆有才畧

西番
西卷之三
為衆所憚贊普噐弩悉美既長欲自得國漸不
平乃與大臣論嚴等圖去之欽陵方提兵居外
贊普託言獵即勒兵執其親党二千餘人殺之
發使者召欽陵贊婆欽陵不受命贊普自討之
欽陵兵潰自殺贊婆遂率衆降唐封為王未幾
贊普死諸子爭立國人立棄隸縮贊為贊普始
七歲其大臣數遣使求婚中宗妻以雍王守禮
女封為金城公主遣楊矩持節送之即拜矩鄯

州都督吐番外雖和而心實叵測即厚餉矩請
河西九曲為公主湯沐矩表與其地九曲水甘
草良與唐接壤自是虜益近邊易入寇玄宗開
元初其相至達延將兵十萬寇臨洮入攻蘭渭
掠監馬楊矩懼自殺唐遣薛納王暖等擊之斬
首萬七千級虜大敗相枕籍死洮水為不流贊
普及金城公主俱遣賜上書請盟脩好帝謂向
已和親只尋前盟不許復誓禮其使而遣之且

厚賜贊普自是歲朝貢不絕久之隴右節度使
王君奭襲擊吐番遂復啓蒙于是攻甘州入陷
瓜州毀其城執刺史田元獻會君奭為回紇所
殺乃以蕭嵩為河西節度使克平瓜州復城之
時張守珪張志亮杜賓客等皆戰有功多所斬
獲贊普惧復遣使請和皇甫惟明勸帝從之勅
惟明及中人張元方往聘以書賜公主惟明見
贊普言天子意贊普大喜因悉出貞觀以來書

詔示惟明遣使名悉臘隨使者入朝是時崔希
逸為河南節度使鎮涼州故時疆畔皆樹壁以
守希逸謂虜戍將乞力徐曰兩國不廢云何請
皆罷之乞力徐曰公忠誠無不可恐朝廷未皆
信脫掩吾不備其可悔希逸固邀乃許即共刑
白犬盟而悉撤障壁明年僦史孫誨奏事妄言
虜無備可取也帝即詔內侍趙惠琮同往按狀
二人至涼州因共矯詔希逸發兵襲破吐番青

西番
西卷之三
海上斬獲不貲乞力徐遁走吐番恚不朝大入
河西希逸拒破之鄯州都督杜希望又拔新城
更號威戎軍頃之節度兼瓊拔安戎城更號平
戎城而吐番攻維州不得志又攻承風堡襲廓
州攻振武軍皆為臧希銳皇甫惟明哥舒翰等
所破勢稍却明年贊普乞黎蘇龍臘贊死子孛
悉籠臘贊嗣遣使者脩好詔京兆少尹崔光遠
持節往吊時安祿山亂哥舒翰悉河隴兵東守

潼關而諸將各以其所鎮兵勤王始號行營邊
候空虛故吐蕃得乘間暴掠至德初取雋州及
威武等諸城入屯石堡其明年取廓霸岷等州
及河源莫門軍復遣使請和虜雖欲和而實懷
二心帝固知之而以天下多故未可絕乃詔宰
相郭子儀蕭華裴遵慶等與盟寶應初虜又陷
臨洮取秦成渭等州明年大入震關取蘭河鄯
洮等州於是隴右地盡亡虜遂進圍涇州路刺

史高暉又破邠州入奉天副元帥郭子儀禦之
又以吐谷渾党項二十萬東略武功渭北行營
將呂日將戰蓋屋破之又戰終南日將走代宗
幸陝虜入長安是月光祿卿殷仲卿率千人壁
藍田選二百騎渡澁或詒虜曰郭令公軍且來
吐番大驚夜遁子儀入長安天子還京會僕固
懷恩反自靈武遣其將危志誠任敷合吐番吐
谷渾兵攻邠州入奉天郭晞攻之吐番引去圍

涼州河西節度使楊志烈不能守跳保甘州而涼州亡矣時兵馬使渾日進屯奉天吐蕃逼奉天日進以單騎馳之左右擊刺射皆應弦而仆虜大驚辟易日進挾虜一將躍出舉軍望而謀無一矢着身者明日虜薄城日進發機石勁弩虜兵多死凡三日夜斫其營斬千餘級生擒五百又戰馬鬼凡七日破賊萬人斬首五千獲馬橐駝幟械甚衆會懷恩死虜謀無主遂與回紇

西卷之三
十三
爭長回紇怒詣子儀請擊吐蕃自效子儀許之
使白元光合兵攻吐蕃於靈臺西大破之降僕
固名臣帝乃班師自是數寇靈邠涇隴黎雅諸
州唐將馬璘白元光郭子儀輒攻破之吐蕃皆
不得志而還及德宗即位以歲與虜碯亡獲相
當頗厭兵乃遣太常少卿韋倫持節歸其俘五
百厚給衣楮勅邊吏護亭障無輒侵虜地時吐
蕃乞力贊為贊普尚結贊為相咸感畏即發使

者隨倫入朝結盟境上朱泚之亂渾瑊用論莽
羅兵破泚將韓旻於武亭中初與虜約得長安
以涇靈四州畀之及泚平虜求地天子薄其勞
第賜詔書賞結贊莽羅等帛萬疋於是虜以為
怨貞元初犯涇隴邠寧掠人畜復攻鹽夏奪其
地刺史杜彥光拓拔乾暉南奔詔駱元光經畧
鹽夏未幾結贊復來請盟唐使渾瑊及崔漢衡
往虜以伏兵擒瑊瑊遁去漢衡等六十人皆被

西
卷
三
十
一
執虜戍塩夏春大疫皆思歸乃火其廬舍引木
結贊歸漢衙等而却其使結贊乃以兵犯鳳翔
入寶雞焚掠而去又剽汧陽華亭掠男女牛羊
率萬計涇隴邠之民蕩然無復孑遺矣自是數
寇涇邠寧慶鄜麟等州韋臯輒大破之西南少
安不三年盡得雋州地而虜猶時時為寇不絕
是時可黎可足贊普立幾三十年病不事事邊
候晏然死以弟達磨嗣開成初遣使來朝獻玉

器馬羊會昌中達磨贊普死無子以乞離胡為
贊普其落門川討擊使尚恐熱叛吐番部多歸
之贊普不能制唐遂得乘隙收復故地已而鳳
翔節度使李泚復清水涇源節度使唐季榮復
原州取石門等六關靈武節度使李欽取安樂
州詔為威州邠寧節度使張欽緒復蕭關取秦
州山南西道節度使鄭涯取扶州群臣奏言王
者建功立業必有以表于世今不勳一卒血一

刃而河湟自歸請上天子尊號詔上順憲二廟
謚號誇顯後世明年沙州首領張彖潮以瓜沙
伊甘肅等十一州地圖來獻擢彖潮沙州節度
使未幾恐熱為僕固戰敗斬之傳首京師唐末
中原多故甘州并於回鶻而歸義諸城亦遂沒
於嵬末然吐番亦自此衰弱族類分散無復統
一矣自儀渭涇原環慶及鎮戎秦州暨于寧夏
各有首領涼州雖為所隔然其地自置牧守或

請命中朝五代時其首領朝獻不絕宋時部落甚衆而中惟潘羅支喃厮囉最為雄傑潘羅支者西涼府六谷都首領也咸平初羅支貢馬五千匹願戮力討李繼遷詔援刺史遂率衆擊繼遷大敗之繼遷中流矢死詔封羅支武威郡王以其弟厮鐸督為益州防禦使喃厮羅為贊普之後而宗哥部李立遵為論逋佐之論逋華言相也二人甚有威名諸部畏之祥符中入貢請

討夏人自效宋以戎多詐不許也頃之夏主元
昊強侵畧廝羅地廝羅堅壁不出間得元昊渡
河挿幟志其淺乃潛使人移植溪處及大戰元
昊潰而歸士視幟渡溺死十八九鹵獲甚衆自
是元昊不敢復窺其境及元昊取西涼府羅支
舊部多歸廝羅又得回訖種人數萬徙居鄯州
地鄯州即今西寧衛漢金城郡破羗縣也時通
青海高昌國蕃商皆趨附之以故日益富強然

亦受宋朝官爵治平初廝羅死少子董羶立母
曰喬氏而廝羅別有二妻皆李立遵女也生子
曰瞎羶曰磨羶角立遵死李氏寵哀斥為尼錮
其二子母族李巴金竊載其子奔宗哥磨羶角
遂撫有其衆瞎羶逃居龕谷亦據其地於是喃
氏地分為三而董羶最強俱歲入貢宋皆授以
刺史元豐初董羶泛宋討夏有功進封武威郡
王元祐初董羶卒子阿里骨嗣阿里骨本于聞

西番
四卷之三
人董彊養為己子阿里骨死子瞎衮嗣項之宋
王瞻取邈川青唐置湟鄯二州瞎衮來歸國人
遂共立瞎彊孫隴拶為主夏人助之攻破青唐
據之宋遂并棄邈川而以隴拶為河西節度使
封武威郡公世世襲職而加瞎衮檢校太傅懷
遠軍節度使崇寧中王厚使湟鄯二州遂建熙
河一道郡縣而置之功雖訖成邊患不息後金
人取熙河復求喃氏子孫立之及元滅金盡并

吐番之地置為郡縣而以吐番僧八思巴為大
寶法王帝師領之嗣世弟子號司空司徒國公
佩金玉印 明興洪武二年寇臨洮守將韋正
禦之時河水未合師不得濟正祝天賊若平則
令河水頃之有冰如巨屋自上流而下風隨之
冰合即渡河擣其營賊大驚請降自是諸部相
繼來歸六年令諸酋舉故官授職以攝帝師置
都指揮使同知宣慰使元帥招討等官以其地

為烏思藏等都指揮使司三朶甘等宣慰司三朶甘思等招討司六沙兒可等萬戶府六刺宗等千戶所十七而以韋正為使統二番自復封番僧為大寶大乘闡教護教闡化贊善等王各給印誥約此歲或間歲一貢八年川藏族殺我使鞏哥鎖南等 命鄧愈沐英討之覆其巢追至崑崙山俘男女一萬口馬五千匹牛羊十三萬十二年洮州十八族叛復 命英討之賊皆

道公遂築城于南川留兵戍之疏聞上以洮
州為西蕃門戶命置洮州衛十五年勅諸蕃計
戶出馬充賦名為差發二十五年建昌衛指揮
使月魯帖木兒叛命藍玉討之送京師伏誅
玉因言四川地曠山險控阨西蕃連歲蠻夷梗
化蓋由軍衛少而備禦寡也宜增置屯衛從之
其明年製金牌信符遣使頒給諸蕃立茶馬司
於洮河二州令蕃人循差發出馬易茶必合符

為信民毋得私市違者罪死遣李景隆至番市
馬以茶五千餘斤得馬一萬三千五百餘匹分
給衛士復令禮部檄長河西打煎爐番責以納
馬脩貢諸番咸稽首奉約茶法大行永樂元年
遣使賜番酋及諸國師白金鈔幣定番族來朝
賞格四年迎番僧尚師哈立麻至京封為大寶
法王厚 賜遣歸五年遣指揮劉昭等往西番
設驛通使洪熙時曲先安定二衛酋邀殺中使

朱英討破之國師宛卜格刺思巴等皆以番兵
從征功晉秩給 誥命銀印宣德元年遣太監
侯顯等使諸番三歲方歸正統四年生番隨渠
等八百二十九寨寨首曲吾巴等各遣僧入貢
者為生番所阻松潘守將趙得遣人諭之遂相
率貢指揮趙諒與番僧商巴有隙因與得誘執
之而掠其財其弟小商巴率衆入犯遣都御史
王翺都督李安討之翺察其在出商巴于獄具

以聞諒伏誅得謫戍復 命商巴為國師十四

年停西番金牌歲遣行人四人視茶改景泰間
黑樓等三十一處男婦一百餘人朝貢天順五
年番寇涼州圍都督毛忠總兵宣城伯衛穎戰
却之八年西寧番族把沙作亂穎與巡撫吳琛
討破之追至駱駝山俘斬二千餘人畜產無美
初番僧入貢不過三十四人景泰漸增至天順
遂至二三千人前後絡繹賞賜不貲所至騷動

矣成化元年 詔諭闡化王三歲一貢毋多人
毋雜用國師禪師等印未幾番僧劄巴堅察等
以秘密法進 天子愛幸之法王封號至累數
十字道從用執金吾仗 賜予駢番其徒錦衣
玉食至數千人十七年給烏思藏諸番王及長
河西魚通寧遠等宣慰司 勅書勘合令朝貢
在西寧黃河北者自四川驗入在岷州黃河南
者自陝西驗入十九年歲運四州茶十萬斤至

陝給 賜番僧漫都御史阮勤言也以御史一
人巡茶罷行人自景泰後茶政稍弛番馬多不
至弘治末 命撫臣楊一清理其事一清請復
金牌信符舊制疏曰臣考前代自唐時回訖入
貢已以馬易茶宋熙寧間行之所謂摘山之產
易廩之良無害而有利計之得者我朝納馬謂
之差發如田之有賦身之有庸必不可闕非虐
使于番也因納馬而酬茶體尊名順非互市交

易之比也且非獨以馬故也蓋西番之為中國
藩籬久矣自漢武帝表河西列四郡斷匈奴右
臂而漠南無王庭今金城之西綿亘數千里北
有狄南有羗狄終不敢越羗而南者以羗為世
讎恐讓其後也不然河洮岷隴之區能無戎馬
之跡乎夫羗夷之人本非孝子順孫徒以資茶
于我絕之則死故俛首服從此制番抗虜之上
策前代畧之而我朝獨得之者也頃自金牌制

西
卷之三
三
廢私販盛行雖有巡茶之官卒莫能禁坐失重
利重六十年豈惟邊方乏騎乘之用將來遠夷
無資于我跳梁自肆將生意外之憂撤藩籬之
固甚非計也請下所司申明舊制昭示蕃族使
知 朝廷修復信符各供差發其不受約束者
徵兵問罪以警其餘 詔如議行之正德初番
僧復肆法王綽吉我些兒者烏思藏使也以術
得幸出入禁中請授其徒二人為國師還居烏

思藏如大乘法王例入貢禮部尚書劉春言烏
思藏遠在西方性極頑獷雖設四王撫化而其
來貢必為之節制令毋患邊而已今無故遣僧
往萬一詐誘羗胡妄有所求請因以冒利不從
便為失異俗意從之則反生事端其害甚大請
罷之不聽尋遣奄劉允入番取佛禮部尚書毛
紀及臺諫連諫俱不聽是時北虜小王子太師
亦卜刺殺其主阿爾倫遁居西海暴掠西番無

西番
西番之
三
三

寧歲十年調朔方兵勦之虜避走松藩旋歸故
巢費以萬計竟無成功嘉靖元年西番反鎮守
都督鄭卿討之不克八年洮岷番賊數入鞏昌
隴右騷動兵部疏言西番為患皆因茶禁廢弛
處置失宜且聞番衆為亦卜刺侵苦因以役屬
番胡交通益肆猖獗議乞專任老成假尚書王
瓊以便宜泛之瓊徵集大衆開諭諸番示以福
禍惟若籠板爾二族及刺唧等族不服乃分兵

蕩若籠板爾巢刺唧等族震懼稽首聽命凡斬首三百六十餘級降七十餘族諸番復定十二年烏都鶻鴿番為亂四川巡撫楊守禮討破之是時金牌為海虜所掠盡散失二十八年劉崙以為言兵部議番族變詐不常北虜抄掠無已脫給而再失之而又給而又失之如國體何宜給勘合如成化故事從之四十二年烏思藏闡化等王請封遣京寺番僧遠丹班麻等為正副

使以通事侍班朱廷對監之班麻在途騷擾廷
對歸白其狀禮部議自沒請封即以勅付其
使毋別有所遣于是封諸藏遂不遣番僧矣王
瓊既定諸番亦卜刺亦為虜所收西陲稍寧隆
慶末虜俺答以迎佛為名復駐牧西海蠶食日
甚番人大困萬曆七年俺答因攻瓦剌數敗部
下多離叛乃謀回巢而烏思藏僧鎖南堅錯亦
諭以作善戒殺宜早歸蓋僧為虜所敬信稱活

佛者於是屬鎖南堅錯轉乞通貢西番遂脩貢
如初按西番地薄氣寒其受差發者為熟番不
者為生番其俗質朴椎魯而法令嚴密上下
一心君臣為友一歲一小盟三歲一大盟懷恩重
利尊釋信詛貴壯賤弱以累世戕沒者為甲門
敗懦者垂狐尾于首以為辱重浮屠政事必以
桑門參決其吏治無文字刻木結繩為約其刑
雖小罪必抉目劓鼻其樂尚琴瑟食酪衣羶務

耕牧好狼鬪居必以毛帳雖有成郭而不處其
國君贊普所居號大拂廬部人號小拂廬喜啖
生物交易用罽毯其地都指揮使司二曰烏思
藏曰朶甘指揮使司一曰隴答宣慰使司三曰
朶甘曰董卜韓胡曰長河西魚通寧遠招討使
司六曰朶甘思曰朶甘隴答曰朶甘州曰朶甘
倉塘曰朶甘州曰磨兒勘萬戶府四曰朶兒可
曰乃竹曰羅思端曰別思麻千戶所十七曰朶

甘思曰刺宗曰孛里加曰長河西曰多八參孫
曰加八曰兆日曰納竹曰偏荅曰果由曰沙里
可哈思的曰孛里加思東曰撒里土兒干曰參
卜郎曰刺錯牙曰泄里壩曰潤側魯孫皆洪武
間所置其後時有增設族種日繁不可勝紀云
山則崑崙水則可跋海黃河析支湟河為大物

產犛牛羴羊草上飛

形大如大身似班猫性純
不惡獅豹等獸見之即伏

於地是

黑驢

日行千里善鬪
虎一蹄而虎斃

骨薦犀

一名碧犀
皆消毒并

辦諸毒藥

馬價珠

一枝與馬同價故名

銅佛

天鼠皮

璠璵

五色如鹽

沙棠樹

金剛鑽

狀如紫石英生水產盤石上

外史氏曰余讀秦風至小戎未嘗不廢詩而嘆

也夫西戎殺秦仲攻幽王卒使宗周播遷為患

甚烈迨其後罕羗附隗囂滇零曩三輔姚萇犯

關內吐番據長安抗命稱制猖獗日甚宋雖入

貢授官然熙河之役禍亦不小矣明興

太祖封建其地裂土分爵俾自為守復設茶馬

以示羈縻數百年來西陲綏輯軼于前代豈戎
性殊於犬羊無厭不可訓誨合之則強分之則
弱其勢然也皇皇 聖謨規模宏遠矣迨德靖

間河湟失守亦卜刺為梗而俺荅又乘之盤據
日久浸淫不靖夫以羗之種類日煩我已不勝
其奔命倘以虜合羗將無有不可測者耶嗟嗟
蔥菁可以殺日蟻穴可以決堤桑土之畜是在
借箸者哉是在借箸者哉

其各人... 日... 間... 故... 其... 必...

哈烈

哈烈大國漢之大宛元魏之洛那隋之蘇對沙
那及石國皆其地也昔漢武帝遣張騫往說月
氏共伐匈奴道經匈奴為所得留十餘歲娶妻
有子後與其屬七鄉月氏西走數日至大宛大
宛聞漢饒財乃遣使導送至月氏踰二年張騫
還漢具為武帝言大宛城郭兵衆及汗血馬其
先天馬子也帝即遣使者持千金請宛善馬宛

王以漢遠兵不能至遂殺漢使太初元年拜李
廣利為貳師將軍期至貳師取善馬率數萬人
攻郁城不下引還往來二歲至燉煌士卒存者
十無一二帝怒不許入玉門貳師因留屯燉煌
已又遣貳師率六萬人牛十萬馬三萬匹驢橐
駝萬數天下騷然益發戍甲卒十八萬置居延
休屠以衛酒泉貳師至宛宛人斬王首獻馬漢
軍取其善馬數十匹中馬以下牝牡三千匹而

立宛貴人昧蔡為王約歲獻馬遂採蒲萄首著
種而歸貳師再行往返凡四歲云後漢明帝時
宛獻汗血馬後魏洛邠國數獻馬隋時名蘇對
沙那國其王姓蘇色匿字底失盤佗而其傍為
石國亦故大宛地也隋大業初遣使朝貢唐武
德貞觀間數獻方物顯慶三年以瞰羯城為大
宛都督府授其王都督開元初封其君長為石
國王頃之其王上言今突厥已屬天可汗惟大

食為諸國患請討之天子不許天寶初封王子
那俱車鼻施為懷化王賜鐵券父之安西節度
使高仙芝劾其無藩臣禮請討之王約降仙芝
遣使者護送至開遠門斬之於是西域皆怨王
子走大食乞兵攻怛邏斯城敗仙芝軍自是遂
臣大食矣寶應時遣使朝貢宋時未通元時內
屬我朝名哈烈一名黑魯元駙馬帖木兒之
子沙哈魯居其地國人稱為速魯壇猶華言君

王也洪武二十五年遣使詔諭 賜金綺永樂
七年頭目麼賚等朝貢吏部陳誠曾至其國正
統二年指揮哈只等貢馬玉石其地城方十里
居平川川廣百里四面大山在肅州西一萬一
千餘里東北至撒馬兒罕一千七百里東有俺
都淮北刺墨等城皆隸焉其王居東北山壘石
為屋無棟樑牆壁窓牖皆金碧琉璃民土房或
羶帳以雨少故君臣相見但行跪禮國無刑法

有罪罰錢而已上下相呼以名無正朔不用甲子以七日為一周婚室多以姊妹謂為至親衣服尚白有喪易以青坊市不設斗斛惟用權衡無七箸以手取之以蒲萄為酒數十年不敗其良馬有肉角或有解人語及知音舞者人死無棺槨人多善走日行三百里氣候常熱磁器及紋綺精巧過于中國田多收穫宴會豐厚大抵西域城郭諸國哈烈俗最鄙陋然有學舍生徒

講習經義好施予務農桑猶有可觀者烏物產
有鎖伏花毯獅子水晶鹽酒杯藤之屬

外史氏曰哈烈距中國萬餘里自博望之言一
入而李廣利連年出師徵調無暇日天下蕭然
煩困矣夫靡天下之物力以從事于一馬而
卒亦何益於漢也後之謀國者其毋輕言異物
也哉

也

卒亦向... (faded text)

... (faded text)

... (faded text)

... (faded text)

... (faded text)

... (faded text)

天竺

天竺即漢身毒大國地方三萬餘里南至西海
東至盤起分中東南西北五天竺國即所謂五
印度也國各有王地各數千里東印度一名榜
葛刺酋長居焉國最大與扶南占城隣僅隔小
海南印度際大海西印度與剌賓波斯接四面
皆山惟南通一谷為國門其中印度則據四印
度之中有別城數十皆置長別國數十皆置王

曰舍衛曰伽尸即波羅柰也曰伽毘黎曰蘇摩
黎曰斤施利曰摩伽陀曰婆羅門曰沼納樸兒
即金剛座國為釋迦得道之所曰婆黎等國皆
屬中天竺而四天竺亦各有屬國數十難以盡
紀總之皆身毒也自漢張騫見蜀布邛竹杖身
毒之名始通中國後為大月氏貴霜王所滅遂
屬月氏月氏殺其王而置將統其人焉漢武帝
遣使十餘輩出西南求身毒為昆明所閉莫能

通至和帝時數遣使入貢後西域叛乃絕桓帝
延熹二年泛何南繳外來獻明帝夢見金人長
大頂有光明以問群臣或曰西方有佛其形長
大而色黃武帝乃遣使之天竺求佛於是佛教
遂傳中國矣楚王英始信其術而桓帝好神數
祀浮屠老子百姓稍有奉者後遂轉盛魏晉時
天竺絕不復通吳扶南王范旃遣使蘇勿至其
國天竺王驚曰海濱極遠猶有使者來乎即遣

陳宋等以月氏馬四匹報四年方得還國是時
吳遣中郎康泰使扶南及見陳宋等具問天竺
土俗言其人淳土沃習尚靡麗大有華風云宋
文帝元嘉時天竺屬國伽毘黎國王月愛遣使
奉表獻金剛指環摩勒金環寶物赤白鸚鵡各
一明帝時復遣使至以其使為建威將軍自後
蘇摩黎國斤陀利國婆黎國俱入貢焉梁武天
監初天竺王屈多遣長史竺羅達奉表獻琉璃

唾壺雜香吉貝等物魏宣武時南天竺遣使獻
駿馬言其國出獅子貂豹羆橐駝犀象有火齊
如雲母而紫色列之則薄如蟬翼積之則如紗
縠之重皆有金剛似紫石英不練不消可以切
玉其餘玳瑁琅玕諸物不可勝紀常與大秦安
息扶南交趾貿易往來蓋西番之一大都會也
隋煬帝遣裴矩通西域諸國惟天竺佛蒜不至
帝以為恨天竺王姓乞利咥氏亦曰剎利世有

其國不篡殺唐武德中國大亂天竺王尸羅逸
多勒兵戰象不馳鞍士不釋甲因破四天竺皆
北面臣之會唐浮屠玄奘至其國尸羅逸多召
見曰兩國有聖人出作秦王破陣樂試為我言
其為人玄奘具言太宗神武四夷賓服狀王喜
曰我當東面朝之貞觀十五年自稱摩伽陀王
遣使上書帝命衆騎尉梁懷璣持節慰撫尸羅
逸多驚問國人自古亦有摩訶震旦使者至吾

國乎皆曰無有摩訶震旦者華言中國也王出
迎膜拜受詔書戴之頂馭遣使者隨入朝詔衛
臣李文表報之大臣郊迎王東而受詔書馭獻
火珠鬱金香提樹二十二年唐遣長史王玄策
使其國會尸羅逸多死國人亂其臣阿羅那順
自立發兵拒玄策時泛騎纒數十戰敗皆沒玄
策奔吐蕃西鄙檄召諸隣國兵吐蕃以兵千人
來泥婆羅以七千騎來玄策部分兵進戰於茶

天竺
四卷之三
三十五
罽和羅城三日破之斬獲無算遂擒阿羅那順
俘送闕下擢玄策朝散大夫得方士那羅邇婆
娑寐自言壽二百歲有不死術帝改館使治丹
遣使者馳采恠藥異石後術不驗竟死長安是
時摩伽陀國獻波羅樹那揭國獻方物烏荼國
獻龍腦香天竺屬國多遣人入貢烏荼國者地
方五千餘里人工禁術其國有神化為土蟒以
濟饑渴又與孔雀啄滄泉以愈衆疾高宗時烏

茶有盧伽逸多者亦以術進拜懷化大將軍乾
封三年五天竺皆來朝開元時南天竺獻五色
能言鳥乞師討大食吐蕃且名其軍玄宗賜名
懷德軍使者曰蕃夷以袍帶為寵遂以金帶錦
袍賜之北天竺亦來朝及乾元末河隴陷沒遂
不至矣周廣順初僧薩滿多復入貢名馬宋乾
德三年滄州僧道圓自西域還得佛舍利一水
晶器貝葉梵經四十夾來獻自後天竺僧以梵

夾來獻者不絕云天竺之法國王死太子襲位
餘子皆出家為僧不復居本國于是其王子曼
殊室利至中國太祖令館於相國寺善持律都
人傾嚮之財施盈溢衆頗嫉焉以其不解唐言
即偽為詔求還本國詔下曼殊室利不得已附
南海賈人歸其後不知所終焉太平興國間益
州僧光遠至天竺以其王沒徙襄表來上表稱
唐天子為支那皇帝云近聞支那國有大明王

至聖至明威力自在每慙薄幸朝謁無由遙望
支那起居聖躬萬福光遠來蒙賜金剛吉祥無
畏坐釋迦聖像一事已披掛供養伏願支那皇
帝福慧圓滿壽命延長常為引導一切有情生
死海渡諸沉溺今以釋迦舍利附光遠上進自
是後僧密怛羅僧法吉祥僧善稱等凡四來朝
獻或貢佛骨銅牙菩薩像宋皆賜以束帶紫方
袍烏元太祖西征滅回回國其王走死遂進次

西印度國遇大獸高數十丈角如犀牛作人語
曰此非帝世界宜速還耶律楚材曰此名角端
旄星之精靈異不可犯也遂班師我朝永樂
初榜葛刺國王靄牙思丁亦遣使來賜紵絲紗
羅絹等物九年靄牙思丁至太倉命行人往宴
勞之十三年遣太監侯顯賫詔往諭諸國招納
樸兒王一不刺金遣金銀柱杖各二人奉迎王
拜詔甚恭柱杖者其國大臣名也又賜榜葛刺

王錦綾及其頭目有差已而榜葛刺國王塞弗
丁遣使奉金葉表及貢麒麟正統三年榜葛刺
又來貢以浚朝獻不絕

外史氏曰世言佛教始於天竺至漢明帝始入
中國而詆佛者遂以明帝為亂首夫以佛之崇
尚虐無滅絕人紀固誠不可為訓然而以懲惡
而勸善弗可少也傳稱其俗淳美不相殺伐夫
非慈悲之驗與

世宗皇帝

御製

卷之

第

十

卷

第

十

卷

默德那

默德那與天方接壤即回回祖國也初國王謨罕
慕德生而神靈臣服西域諸國尊為別諳援爾
華言天聖也國中有佛經三十藏凡三千六百卷
書兼篆草隋開皇中國人撒哈八撒阿的幹葛始
傳其教入中國其地城池宮室田園市肆大類江
淮間寒暑應候地宜五穀亦有陰陽星曆醫藥音
樂諸技藝人俗重殺不食豕肉織

文彫鏤器皿極精巧土產猫睛祖母綠獅子梭

南撒哈刺西洋布押不廬藥名人少飲即死火失刺把

都能治諸疾之屬宣德初遣使隨天方使來貢

外史氏曰回回好生重殺蓋其教然今中國人

重回回而回回亦多居中國者然其子孫日習

行詐已寢不追其初矣記稱默德那俗近中國

而宮室市肆大類江淮豈其立國之初為華人

耶則其故不可曉矣

天方

天方古筠冲地在海西之盡處舊名天堂又名
西域地多曠漠風景融和四時皆春土沃稻饒
民不為盜酋長不事刑罰亦無科擾男子削髮
婦人編髮國有禮拜寺寺分為四方方九十間
共三百六十間皆白玉為柱黃玉為地中有黑
石一片方丈餘曰漠初時天降也寺層次高上
如塔狀牆壁皆薔薇露龍涎香和水為之馨香

不絕有二黑獅子守其中門每歲十二月十日
各番回回人雖萬里之外亦來禮拜日色極熱
故以日落為市月初生時酋長率其民拜天號
呼稱揚以為禮所產金銀寶石珍珠獅子駱駝
豹麂名馬珊瑚犀角之屬其國有回回曆與中
國曆前後差三日我朝宣德七年國王臣深
遣臣沙獻以獅子麒麟來貢

白松虎兒

白松虎兒初名速麻里兒後有白虎出松林中
遇獸不食遇人不傷父老云此西方白虎降精
故更令名云我朝永樂中遣使十六人來貢
山川古蹟物產無奇

二十月十日

...

...

...

...

...

...

白松煮泉

阿速

阿速在西海中為大國其地多撒馬兒罕天方
諸國人俗敬佛畏鬼好施惡爭物產頗饒氣候
均適我朝永樂中遣百十二人來貢

附錄 陳本樂中道百十二人來貢

諸國人各始於粵思致於德學以茲國體厚新
向與五西中道大圖其地多斯德具罕天方

附錄

納失者罕

納失者罕去失刺思數日皆舟行國饒水州產
馬俗敬僧僧所至必飲食之尚氣喜爭物產無
奇永樂中遣使來貢

音木樂中壺動來貞

漢谷地斷斷初至必如身之尚康喜年必重
離夫音罕去失陳只幾日音冉計國翰米仲

離夫音罕

忽魯思恩

忽魯思恩在西徼外小國也或曰在東南海中
土瘠產檀香速香胡椒我朝永樂三年其王
遣臣已即丁等入朝貢

陳末樂三季其五

陳末樂三季其五

陳末樂三季其五

陳末樂三季其五

詔納樸兒

詔納樸兒地在西天居印度之中即佛國也永
樂中奉貢常遣使 詔諭之

樂中奉育常靈新 品飾之

品飾新兒此其西天品飾與之中由飾圖也

品飾新兒

榜葛刺

榜葛刺地在西天即五印度國之一也國最大
求樂初奉貢以後鮮至

宋樂以奉貢以新樂也

新舊陳也其西天中五音英國之一也國最

新舊陳

失刺思

失刺思永樂間來貢時遣內外官以綺幣磁器
市馬於撒馬兒罕失刺思諸國宣德中復來貢

市里并難見與罕夫陳思指國宣意中然來育
 夫陳思亦樂聞來育和意內及官以餘漸終歸
 夫陳思

哈失哈力

哈失哈力一名阿力馬力宣德中來貢

卷之十一 古風 七 賦 七 詩 七 樂 七 禮 七 易 七 春秋 七 史 七 子 七 雜 七

古風 七

阿哇

阿哇小國也永樂中國王昌吉刺入貢

外史氏曰夷狄之為中國患自昔然矣以彼鴛
鷺狡譎難以理論倘非德威所懾教所被惡
能使之頌首歸化未享未王乎我 明文命覃
敷西戎即序旃裘之長聞風而來者直達于萬
里之外即或叛服不一而旋焚旋戢卒無損於
國家之威重嗟乎日月光華星陳燦然非廟

堂之上處置得宜惡觀此乎余讀西方諸夷傳
不覺躍然

境而後以我為未之身聞風而來者皆至平
海之國首領以未至來至平海 聞之命軍
務以論議之野論尚非然及至海邊者皆
衣吏乃曰東方之國中國思自昔以來必
何處不聞也

同出